

SEPE

CONCURSO POSTOS BASE

16/03/2024

O SEPE remitiunos o borrador do próximo concurso de postos base. A CIG, logo de presentar as súas alegacións e recibir a contestación do noso organismo, informa do seguinte:

Valoración dos méritos específicos: A CIG entende que non é xusto que se valore coa puntuación máxima un mérito se o fixeche só un mínimo de 6 meses en calquera momento da túa carreira profesional, por ese motivo, solicitou que nas bases figurara, tal que se propuxo no anterior concurso, unha graduación dos méritos segundo o número de anos que pasaran dende que o fixeras. Con esta proposta, valoraríanse máis os últimos 5 anos y cumprírase o requisito de valorar todos o traballo desenvolvido na carreira profesional.

O SEPE non aceptou a proposta indicando o seguinte: “El criterio de valoración de la antigüedad viene impuesto desde la Subdirección General de Recursos Humanos del propio Ministerio de Trabajo y Economía Social por entender que las bases de la convocatoria no permiten el prorrateo de la puntuación, debiendo alcanzar la puntuación máxima prevista en méritos específicos quien tenga acreditada cada una de las la experiencias que configuran los puestos convocados durante un periodo mínimo de 6 meses en cualquier momento de toda la vida profesional de los participantes”.

A CIG valorará xuridicamente esta contestación para ver a posibilidade da súa impugnación.

Prazas vacantes que non se van convocar:

A CIG, solicitou a inclusión dun total de 13 postos vacantes O SEPE, non acepta incluílos polos seguintes motivos:

a) Quedaron vacantes como resultado da Resolución do concurso de méritos específicos y xa pecharan a inclusión de postos. Esta situación dase en todas as provincias agás Pontevedra.

Entendemos que esta explicación non se sustenta porque se iso é certo non tería sentido abrir un prazo de alegacións.

Ademais, cando o SEPE preguntou ás Direccións Provinciais que postos querían que saíran, estas manifestaron o seu desexo de que se incluíran todas as vacantes e a Unidade de Selección xa coñecía que persoas sacaban praza no concurso e, polo tanto, que postos quedaban vacantes.

Parece que o SEPE prefire cubrir os postos en comisión de servizos, que se pode dar de xeito graciable, que en concurso de traslados.

b) Neste caso temos que ir posto a posto:

4736255, Técnico/a O.P. de Vigo-López Mora que o SEPE indica que non vai no concurso porque está reservada para a creación dunha Unidade de Apoio que está en estudo. Pediremos información desa Unidade.

4690446 Auxiliar de oficina N14 da DP de Lugo, que está vacante, non vai ser incluído porque está reservado para o Ministerio. Descoñecemos que pensa facer con ela o Ministerio polo que teremos que preguntar e prestar atención por se de pronto aparece cuberto por arte de birlibirloque.

4677335 Axudante O. N 17 da oficina de Carballo, segundo a DP de Coruña está vacante pero Madrid di que ten reserva de titular. Xa pedimos aclaración.